



UNIVERSITÄTS-
BIBLIOTHEK
PADERBORN

Universitätsbibliothek Paderborn

Doctrina Nova Ac Mira De Ignorantia Eximii Domini Gumhari Huygens

Huygens, Gommarus

Coloniæ, 1682

Prolusio.

urn:nbn:de:hbz:466:1-37083

PROLUSIO.

Refellitur popolare præjudicium
de approbatione Doctrinæ
Gummariænæ.

Nihil tam habet cordi Pars ad-
versa, quàm ut imperita Plebi in
Belgio persuadeat Doctrinam Factio-
nis esse approbatam, etiam Romæ apud Sedem
Apostolicam; astutum profectò consilium!
hoc namque præjudicio semel præoccupata
mens non facile admittit, imò aversatur
magnopere, nec sustinet audire quidquid do-
ctrinæ illi videretur esse contrarium: hoc enim
sibi persuadent omnes in Belgio Orthodoxi,
Sedem Apostolicam veritatis esse Magistram,
nulli errori obnoxiam; hinc quidquid illa
damnat, damnant illicò, quidquid probat, pro-
bant, ac amplectuntur, nihil hesitantes: hanc
Fidelium persuasionem, damnatis suis erroribus
proferendis obstaculum rati Jansenij Secta-
tores, sæpius ex illorum animis evellere sunt
conati, dicentes Pontificem Romanum homi-
nem esse errori, ut reliquos, obnoxium, saltem
errare posse, quandò sine Concilio OEcumenico
definit quidpiam, errasse sæpius; si quis re-

PROLUSIO.

ponebat Pontificem Romanum verum Jesu Christi Vicarium falli aut fallere non posse deficientem à Cathedra, ridebant tamquam nannias pueris decantatas. Sed persistunt in sua persuasione fideles, nihil dubitantes de Autoritate Pontificis infallibili, nullum etiam discrimen facientes, inter questionem juris, & questionem de sensu libri Hæretico, vel Catholico, quam Adversarijs hoc tempore nominare placuit Questionem facti, ad eludendam Constitutionem Alexandri VII. Hæreseos damnantis quinque Propositiones in sensu Jansenij: quarè novæ factionis Partiarum, videntes firmam herere, atque immotam Fidelium animis hanc persuasionem de autoritate Romani Pontificis falli nesciã, seque nihil admodum proficere fraudulentis suis argutijs, aliam machinari cœperunt fraudem antiquis hæreticis usitatam, ac familiarem; Statuerunt itaque sanctã hanc Fidelium persuasionem abuti ad erronea sua dogmata latius propaganda: libris igitur ac libellis, quos Baij ac Jansenij erroribus farciunt, Autoritatem concilians ementitã Approbatione Sedis Apostolicæ, hos Fidelibus commendant, sincerissimè ore ad pietatem composito affirmantes, Sedis Apostolicæ

ALRO-

PROLUSIO.

authoritate jam esse probatos, tamquam maximè Orthodoxos: Per Fideles libros emunt, legunt avidè, ac venenum hauriunt incauti, nihil mali suspicantes; approbationis hujus rumor, ac fama ubique personat, testes etiam appellantur Viri Illustrissimi, de quorum fide nefas videatur dubitare. Hâc fraude capiuntur multi; hâc fraude captus nuper videri possit insignis etiam Theologus Cornelius Zegers, qui apertè impugnare non est ausus Specimina moralia R. P. F. Ægidij Gabrielis, quæ tamen sibi alijsque sanioris Doctrinæ Theologis videbantur maximè perniciosæ; impugnare tamen non est ausus apertè, quia illorum Approbatio Romana toto Belgio personabat, quare Scrupulos tantùm aliquos circa illa proposuit, plus aliquid non ausus; sed Scrupulos ipsi tandem exemptos arbitror, postquam detecta est fraus Approbationis subreptitiæ. Hodie etiam toto Belgio circumfertur impresso folio Approbatio Romana quorundam Articulorum Theologorum facultatis Lovaniensis; sed huic Approbationi parum fidetur in Belgio, nemo non palpat fraudem. Vix aliud hodie audias Lovani quàm Romæ probatam esse Doctrinam, quam continet Censura Lovaniensis, ejusque

PROLUSIO.

justificatio; ego utramque legi haud segniter, mihi apparet manifestum, omnes quinque Propositiones, hæreseos damnatas in sensu Janssenij, Censurâ illâ, atque justificatione contineri minimè obscure; Undè dixi non semel, haud dubitare me, quin ipsi Augustino Cornelij Janssenij prætexenda sit aliquando Approbatio Romana; non vanum me hæc in re fuisse Vatem, eventus probavit: jam binas vidi litteras, quas amico scripserunt Viri duo, de quorum fide sine injuria dubitare non possum: alter ità scribit Amsterodamo 27. Novembris Anno 1681. Dixit Typographus N. N. se impressurum brevi Augustinum Janssenij. Reposui ego librum esse Hæreticum ac proin imprimi non posse, reposuit, Sacerdotes sæculares sibi dicere, illius doctrinam esse jam Romæ approbatam. Alter scribit in hac verba Gandavi 16. Decembris ejusdem anni: In Hollandia Typographus Catholicus parat imprimere Augustinum Janssenij, quia Sacerdotes sæculares ipsi dixerunt, illum librum, & ejus doctrinam jam esse Romæ approbatam. Ità scribit qui habet ex ore ipsius Typographi. Sic per fraudem hæreticam Augustinum

PROLUSIO.

Finem Janssenij brevi videbimus quasi e cineribus redivivum. Quid non audent Filij iniquitatis! Quis credidisset tantam fore ipsorum impudentiam, ac procaciam, ut ipsi Augustino Cornelij Janssenij Romano etiamnum fulmine fumanti Romanam auderent obtendere Approbationem? Atque ita imponere male credulo Typographo inter Hæreticos Catholico? Ego hinc didici, firmiterque statui Approbationibus hujusmodi, quas hoc tempore fert popularis rumor, sine instrumento legitimo non credere tam citò: quare etsi Belgio toto circumsonet fama, quòd doctrina Eximij Domini Gummari Huygens Sedi Apostolica sit probata, nisi mihi exhibeant instrumentum legitimum quod fidem possit facere, non credam facilius, quàm si idem fama ferret de doctrina Calvinij, Lutheri, aliorumve Hæreticorum, à quâ discrepare Doctrinam Gummariam de Libertate nemo facile ostenderit, sicut reverà non discrepare, ostendisse videtur Gerardus van Viane quem ementita isthac Gummariæ Doctrinæ Approbatio non deterruit à scribendo, sed nec terreat me, quominus de doctrina illa scribam liberè quod sentio; Charitas tamen cohibebit, ne Virum vel verbulo offendam us-

PROLUSIO.

piam; nam Virum amo, cuius Doctrinam odîs
quamvis & hanc toto animo amplectar, si
umquam mihi, non populari quodam rumore,
sed certiori quâdam fide innotuerit, illam tam-
quam Orthodoxam esse admissam, ac probatam
à Sede Apostolicâ, quam certissimam fidei re-
gulam, ac veritatis Magistram falli nesciam
agnosco, ac veneror, paratus semper captivare
intellectum in obsequium fidei. Quamobrem
Eximium D. Gummarum Huygens etiam
atque etiam obtestor, me dignetur docere, ru-
morem illum popularem, qui toto Belgio per-
sonat, de Approbatione ipsius doctrinæ, non
esse mendacem, qualis indubiè est ille de Ap-
probatione Augustini Cornelij Jansenij,
dignetur docere ubi, quando, quo verborum
tenore Doctrina sua probata sit à Sede Apo-
stica, & profiteor palam, me Doctrinam ipsius
amplexurum illiò, ac propugnaturum forciter.

* * * * *

* * * * *

* * * *

* * *

* *

*

DOC.